

www.BibleForChildren.org

Mateo 8



Naa genat itu di ketelu endawen, duunig bela'i tug lunsud Cana sakup Galilea. Suminaup tug bela'i su gina' ni Isus, pisebutan dadema si Isus kampu' nu nga sakupen.



Mendadi bena' migela' nai penginumen, laung nu gina' ni Isus diniin, "Ki penginumen nilan, migela' na daw."
Kali' dayun pektalu' su gina' ni Isus di nga megilak,
"Adin su telu'enen diniu, petuud niu."



Mendadi kini si Isus, miktalu' di nga
megilak, "Pepenu' niu tubig ki nga gunsu'
kini." Bitangan nilan dayun tubig, pilepeng
nilan tug baba'en. Laung dayun ni Isus,
"Naa, saguk amu dun, uit niu dia meguit
dig bela'i." Iwitan nilan dun
dayun iin.



Ininaman dayun nu meguit dig bela'i ki tubig kini binaluy na penginumén. Sinabinen dayun su menginsawa, pu' nda'en suunay ki pigenatan nu penginumén kini (asa misuunan nu nga megilak kia, su miksaguk dun).



Laung nu mequit tug bela'i dia menginsawa, "Sa' su kelaun duma getaw, unaanen peksuday su mekepia penginummen. Bena' melaun nai mi'inum nu nga suminaup, peksudenen dayun pelum su sinukalay. Dagid ya'a, masi' sinawad mu ki mekepia penginummen kini, iin mu pa peksuday!"



Kiniig bekna mekesalebu' tu'us pinggulaula ni Isus.
Pinggulaulanen dia Cana sakup Galilea.
Ma'nia, pinita'en di nga getaw
ki kelengas nu pegbaya'en,
kaas mikpetuud dayun
diniin su nga sakupen.



Naa minundas si Isus ditug balay ni Pedro. Mendadi bena' mitulan dia si Isus, minita'en pegladu ki penugangan ni Pedro libun, mipanas, ndi' mekegbuat.



Dipenan dayun ni Isus su kemet nug libun. Lemen laak midepenan ni Isus, migwanan dayuni panasen. Migbuat sug libun muka' mikpelutu', migilak dayun dini nga Isus.



Naa bena' sungu na mesindepi gendaw, pinguit nu nga getaw ditu ni Isus su nga kelaun pegladu dakus su nga piglegetan menenulay.

Muka' su kelaunan getaw dig lunsud kia, mikpungun ilan diag liu nug balay kia tinuunan ni Isus.



Dayun pineguli'an ni Isusi melaun getaw, migininisan naig leduunen. Muka' melaun padun piglegetan menenulay, pingutidan ni Isus dinilan su menenulay. Laak nda'en begay mektalu'talu' su menenulay, pu' adun ndi' nilan pesuun ki gasal ni Isus.



Su kelaun getaw, diadia pinengawenig bianen megdelu' dini Isus, pu' duuni ginuung gumiwa' diniin, kaas nda'idun dinilani nda' mauli'ay.



Mendadi saanan ni Isus megukit, duuni nga getaw minateng, pegbuligan nilan di sinampuyuan ki pilung, paat tawani pegbulig dun.



Naa saba' nu melaun getaw, ndi'
mesu'ati kekpesempel nilan dini
Isus. Laak kali' ilan pegleketau,
minaik ilan ditu gatep,
giwangan nilan dayun su
gatep dia tanda'
ni Isus.




Sa' miguangan na nilan, tintun
nilan dayun su pilung, dia da
gusay sinampuyuan nilan dun.




Mendadi si Isus, bena' minita'en ki kesalig nilan diniin,
miktalu' di pilung kia,
"Naung, pidasun na su
sala' mu." "Naa, talu'u
tu'u dini'a, pegbuata,
sikwat mui
sinampuyuan dini'a
kiin, muka' uli'a!"



Naa duminangan si Isus di sekayan, ilan nu nga sakupen. Mendadi bena' ditu nailan laud nug linaw, tekaw miksalindapak, misipukan dayun tubig ki sekayan nilan kia. Dagid si Isus, pektulug.




Kali' sembag si Isus, "Mauma mendek mamu? Maika' da ki kesalig niu dinaan!" Migbuat si Isus, pimaagen dayun su genus muka' su nabek. Miksilengen gupia tu'u sug linaw. Su kelaun duma ni Isus, misebu'an ilan dun. Laung nilan, "Ta' gasal dun saan ini, pia su genus muka' nabek, mekpetuud diniin?"



Pu' kagina melelaat gupia su Megbebaya'
di tiba'an getaw, bigayen matay sug
buntung Bata'en, adun adin su
metuudan diniin, ndi' matay,
segaga begayan ketubu'
nda'i tamanen.



40



60



Roma 3:23

Pu' mikesala' ita, launan ta, muka' melayu' naita di kelengas nu pegbaya' daansama' mitendu' nu Megbebaya' gasal getaw.

Roma 6:23

Mendadi, sa' begay nu getawig lawasen mekesala', iini sugda dun, kepatay di nda'i gikteben. Laak dagid iini begay nu Megbebaya' tu nga sumalabuuk dini Kristu Isus su Kaunutan ta, ki ketubu' nda' dademai tamanen. Muka' kiin, begayen di nda'i sugda dun.

Hebreo 9:27

Iini pigdelendem nu Megbebaya', subay launan getaw matay mainsan, ukumen dayun nu Megbebaya'.



Efeso 2:8,9

Kaas ndi' ta pegangya' su kegawen dinita, pu' kana' danita tegel. Pu' sa' meglegintuuda di ngag duma mu pu' si Isusi Kaunutan ta, muka' sa' metuudan ka dun pu' pitubu' puli' nu Megbebaya', guunen ka niin di ginukuman dinita nu Megbebaya'.

Roma 10:9,10

Pu' sa' meglegintuuda di ngag duma mu pu' si Isusi Kaunutan ta, muka' sa' metuudan ka dun pu' pitubu' puli' nu Megbebaya', guunen ka niin di ginukuman dinita nu Megbebaya'. Pu' sa' sumaligi getaw dini Kristu, pemilangen nu Megbebaya' mekesuun, muka' sa' ukitenen su kesaligen tu ngag dumanen, megawen.



Juan 3:16,17

Pu' kagina melelaat gupia su Megbebaya' di tiba'an getaw, bigayen matay sug buntung Bata'en, adun adin su metuudan diniin, ndi' matay, segaga begayan ketubu' nda'i tamanen. Kana' iini sinugu' dun nu Megbebaya' kig Bata'en lumusad dinig lubang pu' adun mengukum tu tiba'an getaw. Segaga iin sungkini luminusad dun dinig lubang, meglegawen tu tiba'an getaw.

1 Juan 5:11-13

Sa' ma'antu, iini tinakesi'an dun, bigayan naita nu Megbebaya' ketubu' nda'i tamanen, muka' iinig bian ketubu', sug Bata'en. Adin su suminakup tug Bata' nu Megbebaya', iini mikalap di ketubu' kini. Su nda' sakup diniin, ndi'en malap su ketubu' nda'i tamanen. Mendadi yamu nu nga mikpetuud tug Bata' nu Megbebaya', suminulatu diniu, adun gempantek di ginaa niu pu' mialap na niu su ketubu' nda'i tamanen.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Subanen Central NT (syb) © 1992, Wycliffe Bible
Translators, Inc. All rights reserved.

<https://www.bible.com/bible/1325/MAT.1.SYB>

©2026 Bible for Children, Inc.

www.M1914.org

www.bibleforchildren.org

